

ГУРБАН САГААН

Үдэхэдэ шүдэн сагаан,

Үтэлхэдэ үһэн сагаан,

Үхэхэдэ яһан сагаан.

ГУРБАН УЛААН

Жабартай тэнгэрийн хаяа улаан,

Жаргалтай хатанай хасар улаан,

Жалгада ургаһан нухай улаан.

Залуугай ганзага улаан,

Нуужа ябаһан наран улаан,

Жэрмэхэ загаһанай жабар улаан.

ГУРБАН НОГООН

Тагта ургаһан арса ногоон,

Тайгада ургаһан хуша ногоон,

Талада ургаһан зээргэнэ ногоон,

ГУРБАН ШАРА

Эрдэнидэ алтан нэгэ шара,

Эд бараанда жанша нэгэ шара,

Эдеэндэ уураг нэгэ шара.

ГУРБАН ХҮХЭ

Уудам дэлхэйн тэнгэри нэгэ хүхэ,

Унтарха галай дүлэн нэгэ хүхэ,

Урдаха голой уһан нэгэ хүхэ.

ГУРБАН СЭНХИР

Холоһоо харагдажа байгаа уула нэгэ сэнхир,

Хонхорто тогтоһон уһан нэгэ сэнхир,

Хорбоодо байгаа тэнгэри нэгэ сэнхир.

ГУРБАН ХАРА

Тоготойгоо тогоон хара,

Бэлигтэйгээ бэхэ хара,

Амтатайгаа архи хара.

Үүлэтэй тэнгэрийн хүни хара,

Үншэн хэнзын хото хара,

Ахирхан хүнэй ханаан хара.

Бишыхан голой уһан хара,

Хатуу хүнэй сэдхэл хара,

Харуу эзэнэй ханал хара.

ГУРБАН БОРО

Гуламтын үнэнхэн боро,
Хара ханаатын сэдхэл боро,
Үхэнэн хүнэй бэе боро.

ГУРБАН БҮХЭ

Хүрьгэн хүбүүнэй хүзүүн бүхэ,
Хүрэл шулуунай амин бүхэ,
Хүнэй малай нюрган бүхэ.

Нойтондо сабуу бүхэ,
Мяханда эльгэн бүхэ,
Амитанда заан бүхэ.

ГУРБАН ЕХЭ

Тугад шубуунай һүүл ехэ,

Туранхай малай яһан ехэ,

Тэнэг хүнэй һанаан ехэ.

ГУРБАН ХУРДАН

Хүлэг мориной хүл хурдан,

Мэргэн хүнэй һанаан хурдан,

Хүдэр номын годли хурдан.

Һалхитай тэнгэриин үүлэн хурдан,

Һаруул ухаата хүнэй һанаан хурдан,

Һайн мориной ябадал хурдан.

ГУРБАН ХАРАНХЫ

Номгүй бандиин сээжэ харанхы,

Хонигүй айлай хотон харанхы,

Хойшоо хараһан нүхэн харанхы.

ГУРБАН ҮНДЭР

Уулада ургаһан һаглагар модон үндэр,

Уулын дунда Хан-Тэнгэри үндэр,

Олоной дунда алдартай сэсэн үндэр.

ГУРБАН ЗӨӨЛЭН

Нялха малай мяхан зөөлэн,

Эрдэмтэ хүнэй хэлэн зөөлэн,

Ухаатай хүнэй сэдьхэл зөөлэн.

ГУРБАН ХООНОН

Шашадаг хүнэй үгэ хоонон,

Мэдэрэл муутын толгой хоонон,

Харуу хүнэй гэр хоонон.

Барижа табижа байбашье, зүүдэн нэгэ хоонон,

Барайжа торойжо байбашье, зэрэлгээн нэгэ хоонон,

Бархиржа шашхажа байбашье, сууряан нэгэ хоонон.

ГУРБАН ГАЛЗУУ

Зуудаг нохой галзуу,

Хониндо ороһон шоно галзуу,

Хотондо ороһон хулгайшан галзуу.

www.nomoihan.com

ГУРБАН ХОЛО

Муу мориндо газар холо,

Харуу хүндэ нүхэд холо,

Үхэхэн хүндэ наран холо.

Хараха гэхэдэм, шэхэм холо,

Хазаха гэхэдэм, альгам холо,

Хүсэхэ гэхэдэм, һүүдэрни холо.

Үхэртэй хүндэ газар холо,

Үхэхэн хүндэ дэрэ холо,

Үгырхэн хүндэ юумэн холо.

ГУРБАН ДОЛГИТОЙ

Далайн уһан долгитой,

Хүн болохо хүбүүнэй зүрхэн долгитой,

Ангые бариха наһан долгитой.

ГУРБАН АРГАГҮЙ

Тэнгэридэ гараха аргагүй,

Шэхэ үзэхэ аргагүй,

Альгаа хазаха аргагүй.

ГУРБАНҮАА ЗАЙЛАН ЯБА

Буха ябаһан сарһаа зайлан яба,

Гэлэн ябаһан хараһаа зайлан яба,

Буруу сэдхэлтэй хүнһөө зайлан яба.

ГУРБАН ХАРША

Ехэ мүнгэн аминда харша,

Ехэ гэр эзэндэ харша,

Үндэр хашаа адуунда харша.

ГУРБАН ХҮНГЭН

Худалша хүнэй хэлэн хүнгэн,

Хурдан мориной туруун хүнгэн,

Хурса хутагын эри хүнгэн.

Урдахадаа уһан хүнгэн,

Хиидэхэдээ үдэн хүнгэн,

Үргэхэдэ үбһэн хүнгэн.

ГУРБАН ОЛОН

Муу хүндэ үгэ олон,

Һайн хүндэ нүхэд олон,

Муу ябахада дайсад олон.

Үритэй хүнэй мүнөөдэр олон,

Үдэрэй хоолдо хубаари олон,

Үншэн хүндэ ноён олон.

ГУРБАН ҮГЫ

Залхуу хүн жаргал үгы,

Хобдог хүн үри үгы,

Ногтуу хүн туһа үгы.

Худагта загаһан үгы,

Хуушан үгэдэ худал үгы,

Ехэ тэнгэридэ шата үгы.

Үмхирһэн модонһоо дүлэн үгы,

Үхэһэн хүнһөө нураг үгы,

Үльтирһэн мяханда шүүһэн үгы.

ГУРБАН ТООНОТОЙ

Хүлэгэй хашаа тоонотой,
Хүнэй муу сэдхэл тоонотой,
Һалан гэргэнэй гэр тоонотой.

ГУРБАН ЭРДЭНИ

Холо газарта хүргэнэн морин эрдэни,
Холын хүнтэй танилсаһан басаган эрдэни,
Хотогор газарта бэлшэнэн хонид эрдэни.

ГУРБАН БАТА

Ургаһан модной үзүүр бата,

Ухаан һайтын үгэ бата,

Уулын харсагын һабар бата.

ГУРБАН ХУРСА

Үгьтэй хүнэй хутага хурса,

Үхэхэ хүнэй нюдэн хурса,

Үргэтэй эхэнэрэй хэлэн хурса.

Хатарша мориной туруун хурса,

Хотошо нохойн шүдэн хурса,

Хараалша эхэнэрэй хэлэн хурса.

ГУРБАН БОГ

Мухар түгсэг ойн бог,

Муухай үбхэн хашаагай бог,

Муу басаган гэрэй бог.

ГУРБАН НУЛА

Нулаар боохон утаһан нула,

Нургаалгүйгөөр ургаһан үри нула,

Журамгүйгөөр ябаһан эмэ нула.

ГУРБАН СЭМСЭГЭР

Үүлээ дээгдээхэн тэнгэри нэгэ сэмсэгэр,

Үнэхээ гаргаһан тулга нэгэ сэмсэгэр,

Үхээ һамнаһан эхэнэр нэгэ сэмсэгэр.

www.nomoihan.com

ГУРБАН БАЯН

Газар үндэһөөр баян,

Тэнгэри одоор баян,

Далай уһаар баян.

Эрдэмтэй хүн эрхим баян,

Үрэтэй хүн үнэр баян,

Үриггүй хүн өөдэлхэ баян.

Уняартаһан тала баян,

Олон хүүгэдтэй гэр баян,

Олондо хүндэтэй залуу баян.

ГУРБАН ҮНЭН

Түрэлхэнэй эсэстэ үхэхэ үнэн,

Хуряаһанай эсэстэ дууһаха үнэн,

Хуралай эсэстэ тараха үнэн.

ГУРБАН ХӨӨРХЭН

Аргаа ядаһан хүүгэд нэгэ хөөрхэн,

Борьбоёо харуулһан гүлгэн нэгэ хөөрхэн,

Бодожо тэнжэжэ байһан ботогон нэгэ хөөрхэн.

ГУРБАН ҺАЙХАН

Жэгдэрһэн одоной дунда һара һайхан,

Жэгүүртэн шубуудай дунда тугад һайхан.

Жэгдэлһэн модоной дунда галбарвасан һайхан.

ГУРБАН БЭЛЭН

Эсхэбэри муутай хубсаһан удархадаа бэлэн,

Эхэ муутай басаган мултгархадаа бэлэн,

Элдүүри муутай арһан хахархадаа бэлэн.

ГУРБАН ХҮСЭТЭЙ

Эбтэй нууһан айлайхи хүсэтэй,

Эбхэрээд ерэһэн долгин хүсэтэй,

Эблэрээд нууһан шаазгай хүсэтэй.

ГУРБАН МУУХАЙ

Хурьган малгада шэгэбшэ муухай,

Хуушан эмээлдэ хударга муухай.

Хулһан ташуурта зангяа муухай.

ГУРБАН АРЮУН

Ургажа байгаа арса нэгэ арюун,

Ууяжа байгаа хүжэ нэгэ арюун,

Урдажа байгаа уһан нэгэ арюун.

ГУРБАН ДУЛААН

Хуса нарада үмдэхэдэ даха дулаан,

Хани нүхэдэйм эльгэ зүрхэн дулаан,

Хайрата гансым харасань дулаан.

ГУРБАН БАЯР

Азарга унаһан хүн – үдэрэй баяр,

Эмээл абаһан хүн – һарын баяр,

Гэр абаһан хүн – жэлэй баяр.

ГУРБАН АМРАГ

Баян хүндэ худалдаашан амраг,

Бардам хүндэ нохой амраг,

Билдагууша хүндэ ноён амраг.

ГУРБАН ДҮҮ

Баян хүн ноён хүнэй дүү,

Худалша хүн хулгайша хүнэй дүү,

Унтаһан хүн үхэхэн хүнэй дүү.

ГУРБАН ШЭРҮҮН

Түрэдэ элшэн шэрүүн,

Түмэртэ хуурай шэрүүн,

Тухамда заряа шэрүүн.

Хүгшэн малай хэлэн нэгэ шэрүүн,

Хадаһаа гараһан шулуун нэгэ шэрүүн,

Хаанай тогтооһон хуули нэгэ шэрүүн.

ГУРБАН ДОШХОН

Эрвээ халиһан уһан дошхон,

Эмээлээ булгиһан морин дошхон,

Эрвээ голоһон эмэ дошхон.

ГУРБАН ДАРАМТА

Муу эмээл мориной дарамта,

Муу эмэ гэрэй дарамта,

Муу нохой хотоной дарамта.

ГУРБАН ГЭМШЭЛ

Номогүй ябабал аба дээрэ гэмшэл,

Номгүй лама хурал дээрэ гэмшэл,

Үйлэгүй басаган үгэһэн газарта гэмшэл.

ГУРБАН БЭРХЭ

Шулуун дээрэ ногоо ургуулха нэгэ бэрхэ,

Уһан дээрэ гал түлхэ нэгэ бэрхэ,

Үхэрэй эбэр дээрэ саһа тогтоохо нэгэ бэрхэ.

ГУРБАН БАРДАМ

Үри найтай эсэгэ бардам,

Олон басагатай айлахи бардам,

Адуу найтай эзэн бардам.

ДҮРБЭН БАРДАМ

Хада найта үнэгэн бардам,

Хадам найта хурьгэн бардам,

Ноён найта албатан бардам,

Нохой найта хотон бардам.

ГУРБАН ЗАДАГАЙ

Азарга муутай адуун задагай,

Архинша эзэтэй айл задагай,

Алмайрхан эхэнэрэй аман задагай.

ГУРБАН ЖЭГТЭЙХЭН

Луутай уушхан шэлэдээ байдаг нэгэ жэгтэйхэн,

Арсаланай дэлэн табгайдаа байдаг нэгэ жэгтэйхэн,

Заанай аман сээжэдээ байдаг нэгэ жэгтэйхэн.

ГУРБАН ХАБА

Азарга унаһан хүн үдэрэй хабатай,

Эмээл абаһан хүн һарын хабатай,

Һамга абаһан хүн жэлэй хабатай.

ГУРБАН ОЛДОХОГҮЙ

Хадаһаа халтиржа унаһан хаг шаазгайн мяхан олдохогүй,

Модонһоо халижа унаһан морин шоргоолзоной мяхан олдс

Уһанһаа сасагдажа үхэхэн загаһанай мяхан олдохогүй.

ГУРБАН ХЭСҮҮ

Үерлэжэ шууяһан уһан хэсүү,

Дүрэлзэжэ аһаһан түймэр хэсүү,

Эршэлэн хиисэһэн һалхин хэсүү.

Гахай туухада нэгэ хэсүү,

Талые гаталхада нэгэ хэсүү,

Одо тоолоходо нэгэ хэсүү.

www.nomoihan.com

ГУРБАН ХАШАЛАН

Альгандаа хүхэтэй арсалан нэгэ хашалан,

Аматай байгаад шэлээрээ дуугардаг голёо нэгэ хашалан,

Амрагай дээдэ аба эжы хоёр золгодоггүй нэгэ хашалан.

ГУРБАН ХЭБЭРЭГ

Хэзээдэ батагүйн тула энэ наһан хэбэрэг,

Үргэлжэ ханилдаггүй тула амраг садан хэбэрэг,

Эсэстээ барагдахын тула эд зөөри хэбэрэг.

ГУРБАН ТУҢА

Үбдэхэдэ хайрлахын туһа,

Үтэлхэдэ үргэхын туһа,

Үхэхэдэ яһа барихын туһа.

ГУРБАН ДУТУУ

Тэнгэри тулгагүй нэгэ дутуу,

Уула бүһэгүй нэгэ дутуу,

Далай бүлүүргүй нэгэ дутуу.

ГУРБАН ТЭНЭГ

Эрхим тэнэг морёо магтаха,

Дунда тэнэг һамгаяа магтаха,

Адаг тэнэг бэеэ магтаха.

ГУРБАН ДАБХАСАТАЙ

Үндэр тэнгэри үүлэн дабхасатай,

Ургамалта дэлхэй саһан дабхасатай,

Үргэн далай мультэн дабхасатай.

ГУРБАН БОЛОДОГҮЙ

Шара тоһые шаража болодоггүй,

Хара уһые үрмэтүүлжэ болодоггүй,

Хайр элһэ нүхэлжэ болодоггүй.

ГУРБАН ГУТАМШАГ

Үхэргүй хүн намарай сагта гутамшаг,

Үрэгүй хүн үхэжын сагта гутамшаг,

Эрдэмгүй хүн номой газарта гутамшаг.

ГУРБАН ГАЗАА

Харида ошодогоороо басаган газраа,

Бэрхэцээл үзэдэгөөрөө гар газраа,

Хара нюдэнһөө нидхэ газраа.

ГУРБАН ХЭЛТЭГЫ

Эрхэтэнэй шөхэн хэлтэги,

Эдлэлэй домбо хэлтэги,

Эрдэнийн дун хэлтэги.

ГУРБАН АМАРДАГҮЙ

Хобууша хүнэй хушуун амардаггүй,

Хоргоол түлиһэн хүнэй хурган амардаггүй,

Хонишон хүнэй сэдхэл амардаггүй.

ГУРБАН БАЙДАГГҮЙ

Хүн залуугаараа байдаггүй,

Хүл шангаараа байдаггүй,

Хагдан ногооноороо байдаггүй.

ГУРБАН ХҮЙТЭН

Эзэн муутын хорёо хүйтэн,

Эжы муутын хоол хүйтэн,

Эб муутын ханаан хүйтэн.

ГУРБАН ТАТУУ

Дээбэри хоолойгоороо татуу,

Дэгэл захаараа татуу,

Уула оройгоороо татуу.

ГУРБАН ЭХЭ

Эдээнэй эхэ – сай,

Эдэй эхэ – хадаг,

Амитанай эхэ – загаһан.

ГУРБАН ХҮСЭЛЭН

Хожогор толгойдо үһэн хүсэлдэг,

Хубхай модондо мүшэр хүсэлдэг,

Хуурай сайда уһан хүсэлдэг.

ДҮРБЭН ШАЛТАГААН

Үбшэн багашье наа, үхэлэй шалтагаан,

Будаг багашье наа, үнгэлхын шалтагаан,

Буян багадабашье, туһалхын шалтагаан,

Гал багадабашье, түлихын шалтагаан.

ДҮРБЭН ЗАН

Уулаар ябадаг зэрэлгээнэй зан,

Уулзаад ябадаг хүнэй зан,

Үүрээр ябадаг үхэрэй зан,

Үерхэжэ ябадаг багын зам.

ГУРБАН БАЯЛИГ

Уһанай баялиг далайда,

Алтан баялиг дэлхэйдэ,

Ухаанай баялиг арадта.

ГУРБАН ДЭЭЖЭ

"А" үзэг — эрдэмэй дээжэ,

Агта морин — малай дээжэ,

Аяга сай — эдеэнэй дээжэ.

ГУРБАН ТЭНЭГ

Эрхим тэнэг намгаа магтаха,

Дунда тэнэг бэээ магтаха,

Адаг тэнэг морёо магтаха.

ГУРБАН АЮУЛТАЙ

Дүрэжэ хиидэһэн гал түймэр аюултай,

Дэбэржэ урдаһан үер уһан аюултай,

Дайлалдажа байһан дайн сэрэг аюултай.

ГУРБАН ДҮЛИИ

Номгүй лама дүлии,

Нугаһагүй нуур дүлии,

Нохойгүй айл дүлии.

ГУРБАН СЭЛМЭГ

Үүлээ хуряан тэнгэри сэлмэг,

Үнээ намнаан намган сэлмэг,

Үнэхээ абхуулан гал сэлмэг.

ДАРИЖАГОВА ДУЛМА

ЧИМИТДОРЖИЕВ ШИИРАБ

БАЙМЕЕВА ДОНАРА